

समे – 12:25

<><><><><><>

Free Bus Service

मुख्यमंत्री उमर अब्दुल्ला होरें अज्ज दपैहरी ढाई बजे शेर-ए-कश्मीर सेंटर श्रीनगर थमां महिलाएं लेई मुफ्त बस सेवा दी शुरूआत करगंन। इस गैह् दा मकसद महिलाएं गी खित्ते च सुरक्षत ते सखल्ले यातायात सेवा उपलब्ध करोआना ऐ। एह्दे कन्नैकम्मकाजी महिला, विद्यार्थिं ते होरने दुइयां महिलाएं गी लाह् होग। प्रशासन नै सब्बने सरबंघत मैह्कमे गी हिदायत दित्तियां न जे ओह् इस कार्यक्रम दी सफलता लेई सुचारु तालमेल जकीनी बनाना, इस पैह्लकदमी गी परिवहान मैह्कमे श्रीनगर नगर निगम ते मकामी कनून प्रवर्तन अजेंसिं आस्सेआ समर्थन दित्ता जा'रदा ऐ। एह् पैह्लकदमी एन.सी.सरकार दे जतनें कन्नै जम्मू कश्मीर च महिलाएं दी भलाई बेह्तरि ते सार्वजनिक परिवहन गी बढ़ावा देने लेई कीती गेदी ऐ।

<><><><><><>

Kathua Operation

कल इक टाकरे दे मगरा पंजतीर्थी ते कठुआ दे बरोटा दे जंगली इलाकें च छप्पे दे त्रुं आतंकवादिं दा पता लाने लेई तपाश अभियान चलाया गेआ जेह्ड़ा अज्ज बडलै परतियै शुरू कीता गेआ ते इस अभियान च मती सारियां अजेंसियां शामिल न। सोमवारें रातीं पुलस ते आतंकवादिं बश्कार गोलीबारी दे बाद इस इलाके दी घेराबंदी करी दित्ती गेई ही। अधिकारिं दस्सेआ ऐ जे इनें त्रै आतंकवादिं दी 23 मार्च गी अंतर्राष्ट्रीय बन्ने कोल नर्सरी ब्लाकें च सुरक्षाबलें कन्नै पैह्ला मकाबला होआ हा, जेह्दे च सारे आतंकवादी फरार होने च कामयाब होई गे हे। चरुं दिने मगरा सुरक्षाबलें कन्नै कठुआ दे सनेहाल बीट दे जंगली इलाकें च आतंकवादिं दी मुठभेड़ होई जेह्दे च 2 आतंकवादिं गी मारी दित्ता गेआ ते बाकी फरार होई गे। इस गोलीबारी च पुलस दे चार जुआन शहीद होई गे ते 3 होर जख्मी होई गे हे। जंगले च छप्पे दे आतंकवादिं दे अपने थाहरे गी बदलने दे चलदे सुरक्षा अजेंसी उंदा पता लाने लेई इक ओपेशन शुरू करी दित्ता ऐ।

<><><><><><>

UPS Today

केन्द्र सरकार दे कर्मचारिएं लेई यूनीफाईड पेंशन स्कीम अज्जै थमां लागू होई जाग। यूपीएस गी केन्द्र सरकार आस्सेआ राष्ट्र पेंशन प्रणाली दे तैहत विकल्प दे तौरा पर शुरू कीता गेआ। पेंशन फंड रैगुलेरिटी एंड डवैलपमेंट अथार्टी नै हाल च गै यूपीएस दे संचालन लेई नियमें दी सूचना दित्ती ऐ। एह नियम केन्द्र सरकार दे त्रै समूहें कन्नै सरबंघत न। पैहली श्रेणी च 1 अप्रैल 2025 तगर सेवा च मजूद केन्द्र सरकार कर्मचारी शामिल न, दूई श्रेणी च ओह कर्मचारी होंगन जेहड़े 1 अप्रैल मगरा सेवा च भर्ती होंगन ते त्रीह श्रेणी च ओह कर्मचारी होंगन जेहड़े एनपीएस दा हिस्सा हे जे इस म्हीने दी 31 तरीक जां इस थमां पैहले रटैर होई चुके दे न।

<><><><><><>

LPG Price Drop

ऑयल मार्किटिंग कंपनिएं दिल्ली च कमर्शियल एलपीजी गैस सिलेंडर दी कीमतें गी 41 रपे प्रति यूनिट घटाया ऐ। 19 किलोग्राम कमर्शियल एलपीजी सिलेंडर दी कीमतें च एह बदलाव अज्जै थमां लागू होंगन। इंडियन ऑयल दे मताबक राष्ट्री राजधानी च 19 किलोग्राम दे कमर्शियल एलपीजी सिलेंडर दी नमीं कीमत 1 जहार 762 रपे ऐ। कमर्शियल एलपीजी सिलेंडर दी कीमत कोलकाता एलपीजी च 44 रपे 50 पैहे, मुंबइ च 42 रपे ते चेन्नई च 43 रपे 50 पैहे दी गिरावट आई ऐ।

<><><><><><>

DHS Jammu

डॉ. अब्दुल हामिद जरगर होरें अज्ज डरैक्टर हैल्थ सर्विस जम्मू दा कार्यभार सांभेआ। स्वास्थ्य सेवा निदेशालय जम्मू उे स्टाफ आस्सेआ उंदा सुआगत कीता गेआ। डॉ. अब्दुल हामिद जरगर होरें पिछले 15एं बरें च बक्ख-बक्ख मैहकमे च अपनी सेवा प्रदान कीतियां न, जेहदे च ब्लाक मैडिकल आफिसर, मैडिकल सुप्रीटेंडेंट बी पैहली श्रेणी च 1 अप्रैल 2025 तगर सेवा च मजूद केन्द्र सरकार कर्मचारी शामिल न, दूई श्रेणी च ओह कर्मचारी होंगन जेहड़े 1 अप्रैल मगरा सेवा च भर्ती होंगन ते त्रीह श्रेणी च ओह कर्मचारी होंगन जेहड़े एनपीएस दा हिस्सा हे जे इस म्हीने दी 31 तरीक जां इस गिमां पैहले रटैर होई चुके दे न।मल न।

<><><><><><>

IMD

भारतीय मौसम विभाग नै इस ब8रे अप्रैल कोला लेइयै जून म्हीने दरान मुल्खे दे केई हिस्सें च बद्धोबद्ध तापमान सामान्य कोला उप्पर रौहने दी पेशगोई कीती ऐ। मैह्कमे दे डरैक्टर जनरल मृत्युजय मोहापाशा होरें आखेआ ऐ जे इस अवधि दरान मते होर इलाकें च घट्टोघट्ट तापमान बी सामान्य कोला उप्पर रौहने दी संभावना ऐ। उनें आखेआ जे अप्रैल थमां जून तगर मुल्खे दे उत्तर ते पूर्वी क्षेत्र दे केइं हिस्सें च मध्य भारत ते उत्तर-पच्छम भारत दे मैदानी इलाकें च लूह चलने आले जबरदस्त गर्मी कन्नै 2 जां 4 दिन बद्ध होंगन। डॉ. मोहापात्तरा होरें आखेआ जे आम तौरा पर भारत च बड़ी मती गर्मी आले 4 शा 7 हीटवेव दिन हुंदे न। इस बारी चलने आले इनें दिनें च बाद्धा होई सकदा ऐ। उनें एह बी आखेआ जे इस ब'रे अप्रैल म्हीने च बरखा दे आसार सामान्य न।

<><><><><><>